



DET KONGELIGE
KOMMUNAL- OG REGIONALDEPARTEMENT

Preassadiedáhus

Nr.: 52/2002

Beaivemearri: 31.05.2002

Lassediedáhus sámepolitihka birra

Mearredidolaš ja roahkkadis sámepolitihkka

Ráddehus áigu bidjat eanet árjjaid sámegiela nannemii ja sámi ealáhuseallima gárgedeapmái. Sámedikki ja Ráddehusa gulahallan galgá maiddá buoriduvvot. Dát boahtá ovdan Ráddehusa lassediedáhusas sámepolitihka birra, mii biddjojuvvui ovdan odne.

– Lassediedáhus lei dárbbaslaš danne go Ráddehus dáhttu roahkadet sámepolitihka. Barggadetttiin sámepolitihkain ovddasguvlui áigut mii erenoamážit vuoruhit sámegiela. Earret eará galgá preassadoarjja sámi aviissaide buorebut go dál atnit deastta sámegiela geavaheamis.

- Ealli sámi kultuvrra ovdehussan lea ahte guovlluin gos sámít ássat lea eallinfámolaš ealáhuseallin. Gánnihahtti fitnodagat leat maiddá deatalaččat addit sámi čoahkášguovlluide vejolašvuoda luovvat buriid birgenlágiid, dadjá gieldda- ja guovloministtar Erna Solberg.

Lassediedáhus buktá ovdan ođasmahttojuvvon dieđuid barggu birra maid ráddehus dahká sámegiela nannema beales. Doaibmabijut mat leat juo almmuhuvvon dahje čadahuvvon leat:

- Lasihuvvon juolludusat gielddaid guovttegielatvuhtii
- Sámelága giellakapihttala dárkkisteapmi addin dihtii Sámediggái stuorát ludolašvuoda sámegiela organiserema hárrái
- Sámi báikenammanevvohaga ođđasisorganiseren
- Mánngagielat gieldda- ja fylkkanamat
- Nammalága nuppástuhttin mii rahpá vejolašvuoda sámi nammavieruid geavahit
- Raportta ”Sámi čálamearkačoahkit ja IT” čuovvoleapmi
- Veahkehit Sámedikki bajit plánain sámegiela ja IT (eSápmi) váste

Sámediggi lea Ráđđehusa ovddimus eaktoháhkki ja gulahallanguoibmi sámepolitihkas. Danne lea deatalaš Ráđđehussii viidásetgárgedit buriid ovttasbargogaskavuodaid Sámedikkiin. Ráđđehus áigu váldit Sámedikki mielde árrat láhka- ja láhkaásahusbargguid oktavuodas. Ráđđehus háliida maiddái nuppástuhttit láhkalávdegottiid nammadandagaldusaid. Dasto atná Ráđđehus dettolažžan addit Sámediggái rámmaid mat dahket vejolažžan gárgedit iehčanas politihka duovdagiin mat leat sirdojuvvon Sámediggái. Ráđđehus atná maiddái deatalažžan gulahallat bures eaktodáhtolaš organisašuvnnaiguin, ealáhusorganisašuvnnaiguin ja sámepolitihka eará oassádalliiguin.

Regionálapolitihkalaš gaskaomiid juogadeamis guovlluguovdasaš ovttasbargoguimmiide galget Sis-Finnmárkkku erenoamáš hástalusat deattuhuvvot. Ráđđehus dáhttu maiddái oppalaččat guorahallat gaskaoapmeapparáhta, ja áigu earret eará nannet Davvi-Romssa ja Finnmarkku doaibmabidjoavádaga.